



# Potpisan sporazum BiH i EUROPOL-a

Ovo je najveći korak BiH na putu evropskih integracija kada je u pitanju bezbjednosni sektor, kaže ministar Mektić

Ministar sigurnosti BiH Dragan Mektić i direktor Ureda Evropske policije (EUROPOL) Rob Wainwright potpisali su jučer sporazum o operativnoj i strateškoj saradnji između BiH i EUROPOL-a. Kako je istaknuto, sporazum će značiti razmjenu operativnih podataka između BiH i policija zemalja članica EUROPOL-a, uključujući lične podatke o osumnjičenim osobama.

## Novi alati

- Ovo je najveći korak BiH kada je u pitanju bezbjednosni sektor na putu evropskih integracija. Na ovaj način BiH, odnosno njene policijske agencije postaju sastavni dio evropskog policijskog sistema i na ovaj način BiH postaje sastavni dio ukupne bezbjednosti u EU. Zadovoljni smo činjenicom što ćemo biti u prilici i moći davati doprinos ukupnoj evropskoj bezbjednosti. To je naš strateški cilj koji nema alternativu. Uz to što ćemo davati taj doprinos i što će to biti značajan korak na putu BiH ka EU, naša nasušna potreba je da putem rada sa EUROPOL-om dobijemo nove mehanizme i alate u borbi protiv svih bezbjednosnih izazova u BiH i današer operativna sa-

Trenutno imamo 7.500 osumnjičenih, odnosno ljudi povezanih sa stranim ratištima u našoj bazi podataka, kaže Wainwright

radnja značajno doprinese ukupnoj efikasnosti na poboljšanju ukupne bezbjednosti u BiH, kazao je Mektić.

Dodao je da je Wainwrighta upoznao sa ključnim sigurnosnim izazovima sa kojima se BiH suočava, te kako će BiH odmah poslije potpisivanja ovog sporazuma pokrenuti aktivnosti na određivanju oficira za vezu, kojeg će poslati u sjedište EUROPOL-a.

Wainwright je kazao da se ovim sporazumom BiH pridružila grupi od 700 policijskih agencija iz 40 zemalja koje saraduju sa EUROPOL-om na različitim pitanjima.

- S nestrpljenjem očekujemo implementaciju ovog sporazuma, jer smo svjesni da vaše sigurnosne agencije posjeduju jedinstveno znanje koje će biti od koristi za operacije EUROPOL-a. Zauzvrat, EUROPOL stavlja na raspolaganje BiH sve kapacitete kako bismo pomogli vašem sigurnosnom sektoru da zaštiti građane, kazao je Wainwright.

Podsjetio je da BiH do sada nije imala veliko učešće u radu ovog centra i razmjeni podataka koji se tiču ove oblasti.

- Trenutno imamo 7.500 osumnjičenih, odnosno ljudi povezanih

sa stranim ratištima, ali uvjeren sam da će obavještajni podaci i iskustvo koje BiH ima u ovoj oblasti doprinijeti boljem i efikasnijem radu, zaključio je Wainwright.

Oni su jučer posjetili i Direkciju za koordinaciju policijskih tijela BiH, gdje su se sastali sa direktorom Mirsadom Vilićem i njegovim zamjenikom Milom Jurićem.

## Prioriteti

Delegacija EUROPOL-a, ministar Mektić i predstavnici Delegacije EU u BiH sa šefom Odjeljenja za vladavinu prava Richardom Woodom na čelu sastala se i sa zamjenikom direktora SIPA Durom Kneževićem i načelnicima organizacionih jedinica Ernadom Musićem i Draganom Mumovićem.

Tom prilikom je istaknut značaj sporazuma, kao i činjenica da će SIPA pružiti svoj maksimum u borbi protiv svih vidova kriminala iz nadležnosti, te na taj način doprinijeti bezbjednijem okruženju za građane BiH i EU. Wood je istaknuo da borba protiv terorizma treba da bude jedan od prioriteta SIPA i EUROPOL-a.

**EDIN BARIMAC**



Sporazum su potpisali Mektić i Wainwright / BENJAMIN BEŠIĆ